

Leitura di Veron i Aprendizajen na Kaza!

Aprendizajen di veron pode ser divertidu i pode juda studentis prepara pa prosimu anu letivu!

Distritu prepara atividadis pa studentis ki ta frekuenta NBPS na anu letivu 2024-2025, i ki ta kontinua ku distritu na prosimu anu letivu, ki sta entra 1º a 8º anu.

Studentis pode ten asesu a tudu kes atividadi di “Class link” na ses *Chromebook*/portatil di skola, o atraves di un aparelhu iletroniku pesual. [Vizita kel enderesu i pa odja instruson i ten asesu a aparelhu pesual.](#)

ELA (lingua Ingles) - Nu ben Ler!

Matimatika - Mergulha na Alguns Numerus!

Siensia - Nu ben Investiga!

Artis - Sperimenta Algun Kuza Novu!

Studentis: Abri nhos *Chromebook* pa nhos divirti ku Aprendizajen di Veron!

Klina na Pasta di Aprendizajen di Veron

Dentru di Pasta di Aprendizajen di Veron, studenti ta atxa kes instruson ditalhadu i dos aplikativu di aprendizajen:

- “Renaissance” na undi es ta atxa “myON” pa Leitura
- “i-Ready” na undi es ta atxa “My Path” pa Matimatika

Na *Chromebook* di Studenti

Ka tene Asesu a *Chromebook*?

Studentis ki frekuenta Skolas Publika di New Bedford duranti Anu Letivu 2024-2025, i ki tanbé sta matrikuladu pa Anu Letivu 2025-2026, pode ten asesu a Pasta di Aprendizajen di Veron di kualker aparelhu iletroniku ku asesu a *Internet*. [Djobe instruson ditalhadu ali!](#)

Novu na NBPS? Ka tene Asesu a *Chromebook* o kes Aplikativu Online? Ka ten Problema...Prende Mesmu Asin!

Novu na Skolas Publika di New Bedford? Benvindu! Bus studenti pode prende na es veron tanbé!!

Novu studentis, ki sta inskriu na *Kindergarten*/Jardin infantil o na otu anu di skolaridadi mas altu, ainda pode aproveita di algun diversion di aprendizajen di veron! Kes atividadi di Siensia i Arti at totalmenti asesivel na es pajina di *Internet*, na *slides*/aprezentason publikadu mas pa baxu na es mensajen. Kes atividadi di Matimatika, menus kes di “My Path”, tanbé sta disponivel na kes slides. Apezar di “myON” (pa leitura *online*) sta só pa asesdu di studentis ki sta netra 1º a 8º anu ki staba matrikuladu na Skolas Publika di New Bedford duranti Anu Letivu 2024-2025, tudu studentis pode ler KUALKER KUZA, KUALKER LUGAR! Nu ta insentiva TUDU familias pa vizita [Lokalizason di Bibliotekas di Gratis di New Bedford](#), i pajina di *Internet* di [Mapa di New Bedford di Livrus Gratis](#) ku informason di tonelada di livrus i atividadi divertidu di grasa pa veron.

Lingua Ingles (ELA)

Es veron nu kre pa studentis ler kuze ki es kre! Nu kre só pa es ler! Es pode skodje pa ler livrus, revista o otus rekursu online. TUDU studentis di NBPS ki sta entra na K a 8º anu ten asesu a “myON”, un programa di leitura *online* ki ta da “notisias” apropiadu pa idadi i livrus online na Ingles i Spanhol! Programa ta permiti studentis

buska testus atraves di tema i otus parametru. Tanbé, programa ta rekomenda livrus i artigus ku bazi na kes ki studanti dja skodjeba antis. Klika na *slide/aprezentason* di baxu pa anu di skolaridadi pa ten mas informason sobri leitura i aprendizajen di veron!

Matimatika (Math)

Pratika di Matmatika pode asumi txeu forma i pode ser divertidu! Ten alguns atividades publikadu pa alunos di kada da anu di skolaridadi. Nu ta gostaba pa tudu studanti faze tudu kes atividades, mas si ka for posivel, ali sta alguns actividadiki debe dadu prioridadu:

1. Sujeston pa Diariu di Matimatika (K a 5 Anu)
2. “MyPath” pa 30/45 minutu. (1° a 8 Anu, studantis di K/Jardin infantil ta juga kes jogu i faze kes atividades di kalendariu di Matimatika)
3. Atividades di Kalendariu di Matimatika (1° a 8 Anu)

Observason: Sujeston di Diariu di Matimatika, Kalendariu di Matimatika i otus Atividades é konteudu di pre-vizualizason pa anu ki alunos sta entra. “MyPath” na “iReady” ta adapta ku bazi na dizenpenhu anterior di alunu i ta aborda kes konpitensia ki alunu meste dizenvolve; kel li pode signifika ma trabadju aprizentadu sta baxu di nivel di ensinu, mas é ta kontinua inportanti! Klika na *slide/aprezentason* di nivel di ensinu ki sta di baxu pa ten mas informason sobri leitura i aprendizajen di veron!

Siensia

Ten un Bingo animadu di Siensia pa kada nivel di ensinu! Es kuadru ta aprizenta kes speriensia ki ta djuda studantis pre-vizualiza i konstrui se konprenson di kes ideia ki ta parsi na prosimu anu letivu! Alguns atividades pode iziji apoiu o autorizason di un adultu i kel li sta diskrebedu klaramenti na instruson pa studantis. Tanbé dja nu publika kes karton ali, pa nhos informason. Klika na aprizentason di baxu ku anu di skoaridadi pa ten mas informason sobri leitura i aprendizajen di veron!

Arti

Es veron, nu ta insentiva alunos a splora muzika, artis vizual, teatru i dansa! Studantis pode odja un videu sobri kada sisisplina, pode resebe un atividades ki es pode faze na kaza i muiitu mas! Studantis pode ten asesu a kes atividades atraves di “Class Link”, i tanbé nu ta publikas ali pa familias tanbél. Klika na aprizentason di baxu ku anu di skoaridadi pa ten mas informason sobri leitura i aprendizajen di veron!